

790—796 DULCISSIMO DILECTIONIS FILIO RADONI<sup>a</sup> ABBATI<sup>1</sup> HUMILIS LEVITA ALBINUS SALUTEM<sup>b</sup>.

Dilectionis vestrae venerabile secutus<sup>c</sup> praeceptum, vitam sancti Vedasti, patris vestri et intercessoris nostri, emendare studui: non quod<sup>d</sup> aliquid<sup>e</sup> illius excellentissimis meritis dignum dicere<sup>f</sup> valuissem, sed quod nihil tuae reverentiae iussis<sup>g</sup> denegare<sup>h</sup> ratum putavi. Idcirco ad te maxime<sup>i</sup> pertinet harum laus vel vituperatio<sup>j</sup> litterarum. Utinam tibi et fratribus, qualescumque sint, placeant. Deprecans<sup>k</sup>, ut meum laborem orationum vestrarum solatio<sup>l</sup> remunerare dignemini et unus merear<sup>m</sup> esse vestrum in caritatis communione: illius semper memores mandati, qui dixit: 'Hoc est mandatum meum, ut diligatis<sup>n</sup> invicem'. In hoc enim mandato<sup>n</sup> omnium salus<sup>o</sup> consistit; hoc cunctis<sup>p</sup> pernecessarium esse constat<sup>q</sup>, et maxime his, qui gregem<sup>r</sup> Christi regendum<sup>r</sup> accipiunt<sup>s</sup>.

Quapropter tu, carissime<sup>t</sup> fili<sup>u</sup>, gregem, quem<sup>v</sup> accepisti regendum, fraterno amore diligenter erudire studeto, et sanctis ammonitionibus eum per pascua vitae deducere satage. Habes<sup>w</sup> in omni opere<sup>x</sup> bono Christum adiutorem, sanctum quoque Vedastum intercessorem. Sicut magno labore domum Dei optime habes ornatam<sup>y</sup> et<sup>z</sup> largissimis donis decoratam, ita tibi<sup>z</sup> subiectos bonis moribus ornari<sup>a</sup> contende et eos in divina laude<sup>b</sup> devotissime fac consistere; et quod angeli semper agunt in caelis, hoc fratres iugiter faciant in ecclesiis. Tuum est praecipere<sup>c</sup>, illorum oboedire; tuum<sup>d</sup> praeire, illorum subsequi. Omnium itaque in servitio<sup>e</sup> Dei una debet esse voluntas, ut una fiat in regno<sup>f</sup> Dei remuneratio.

Nullus horis canonicis se divinis subtrahat laudibus, ne<sup>g</sup> propter aliquam negligentiam cuiuslibet locus in conspectu Dei vacuus inveniatur; et verba Dei in ecclesiis intimo<sup>h</sup> cordis affectu<sup>i</sup> proferantur, et cum magna reverentia Dei omnipotentis officia celebrentur<sup>k</sup>, omne vero<sup>l</sup> ministerium Christi humiliter et devote impleatur. Omnis itaque oboedientia in saeculi necessitatibus fideliter et strenue<sup>m</sup> peragatur<sup>n</sup>. Fiat<sup>o</sup> equidem<sup>o</sup> inter omnes concordissima pax et sanctissima caritas et devotio vitae<sup>p</sup> regularis<sup>q</sup>. Seniores bonis exemplis et sedula ammonitione erudiant iuniores illosque diligant ut filios, et illi quasi patres eos honorificent, illorum<sup>r</sup> omni alacritate oboediant praeceptis. Tua vero, venerande<sup>s</sup> fili, conversatio omnibus sit exemplum salutis. Cave, ut nec minimus<sup>t</sup> quis in tua scandalizetur vita, sed aedificetur et roboretur in via<sup>u</sup> veritatis: quia tibi ex illorum salute merces<sup>v</sup> iudicabitur aeterna. Cani capilli extremum denuntiant properare diem. Quapropter paratus esto omni hora in occursum domini Dei tui. Dilectio fraterna, et elemosinae<sup>v</sup> miserorum, et vitae<sup>w</sup> castitas praeparent tibi gradus in caelum. Diligenter elabora aeternos tibi dies<sup>x</sup> felices. Honor saecularis, quem habes, spiritalem<sup>y</sup> tibi habundet<sup>z</sup> in gloriam.

<sup>a</sup>) abbati — levita om. K 1, A 1\*. <sup>b</sup>) filio illi salutem K 2. <sup>c</sup>) sequutus M, T. <sup>d</sup>) quid T. <sup>e</sup>) aliq K 2. <sup>f</sup>) om. G. <sup>g</sup>) nihil add. A 1\*. <sup>h</sup>) delegare K 2. <sup>i</sup>) maxima K 2; pert. max. K 1. <sup>k</sup>) depraecans G, T. <sup>l</sup>) solacio T. <sup>m</sup>) vos add. K 1, A 1\*. <sup>n</sup>) mandatum K 2. <sup>o</sup>) solus T. <sup>p</sup>) om. K 1. <sup>q</sup>) consistat K 1. <sup>r</sup>) regendam T. <sup>s</sup>) suscipiunt K 1, A 1\*. <sup>t</sup>) karissime K. <sup>u</sup>) om. G. <sup>v</sup>) quam K 2. <sup>w</sup>) habens K 2, A 1\*. <sup>x</sup>) tempore M. <sup>y</sup>) hornatam K 2. <sup>z</sup>) sibi T. <sup>a</sup>) ornare K 2, G, A 1\*; corr. man. rec. in ornari K 1. <sup>b</sup>) laudae K 2. <sup>c</sup>) praecipere K 2. <sup>d</sup>) est add. K 1, G; al. man. superscr. M. <sup>e</sup>) servitium T. <sup>f</sup>) rego K 2. <sup>g</sup>) nec K 1, A 1\*. <sup>h</sup>) ex int. K 1, A 1\*. <sup>i</sup>) effectu T. <sup>k</sup>) caelebrentur T. <sup>l</sup>) omneueuero M. <sup>m</sup>) strenue T, K 1. <sup>n</sup>) peragantur corr. -gatur K 1. <sup>o</sup>) quidem K 1, A 1\*. <sup>p</sup>) om. K 2, T, A 1\*. <sup>q</sup>) regulis T. <sup>r</sup>) illi K 2. <sup>s</sup>) veneranda K 2. <sup>t</sup>) minus K 2; minor K 1. <sup>u</sup>) mercis T; meritis K 2. <sup>v</sup>) elemosinae T. <sup>w</sup>) vita G. <sup>x</sup>) om. T. <sup>y</sup>) spiritalis corr. in -lems K 1. <sup>z</sup>) abundaet K 2.

1) Rado primo notarius (a. 772), tum cancellarius (776—794) Caroli Magni, denique abbas S. Vedasti Atrebatensis (790—815) templum et cultum S. Vedasti magnis sumptibus instauravit; cf. de eo Chron. Vedastin. a. 790. 808 (SS. XIII, 705. 706), Poet. Carol. I, 222 v. 49; Capitul. reg. Franc. I, 183; Sickel Acta Karolinorum I, 77. 80, II, 55; Cod. Carolin. 94 (Epist. III, 632).